

Resolución do 25 de xaneiro de 2016, pola que se aproba o Plan Marco: Mellora de camiños municipais de acceso a explotacións agrarias-2016, cofinanciado co Fondo Europeo Agrícola de Desenvolvemento Rural (Feader), ao abeiro do PDR de Galicia 2014-2020.

A Axencia Galega de Desenvolvemento Rural (Agader) é o instrumento básico de actuación da Xunta de Galicia no fomento e a coordinación do territorio rural galego, para mellorar as condicións de vida e contribuír a frear o seu despoboamento (disposición adicional 6ª da Lei 5/2000, do 28 de decembro, de medidas fiscais e de réxime orzamentario e administrativo, modificada pola Lei 12/2008, do 3 de decembro, pola que se modifica a Lei 7/1996 e a Lei 5/2000, e mais pola Lei 15/2010, do 28 de decembro, de medidas fiscais e administrativas).

No marco das súas funcións, desenvolvidas no Decreto 79/2001, do 6 de abril, polo que se aproba o seu Regulamento, correspóndelle a Agader a xestión das medidas e actuacións no marco da programación dos fondos agrarios de desenvolvemento rural.

O artigo 17 do Regulamento (UE) n.º 1305/2013, do Parlamento Europeo e do Consello, do 17 de decembro, relativo ao desenvolvemento rural a través do Fondo Europeo Agrícola de Desenvolvemento Rural (Feader) establece que as axudas previstas no seu apartado 1.c) abrangueran investimentos en infraestruturas destinadas ao desenvolvemento, modernización ou adaptación da agricultura e o sector forestal, a silvicultura, incluído o acceso ás superficies agrícolas e forestais, a consolidación e mellora de terras e a subministración e aforro de enerxía e auga.

Neste contexto, o Programa de Desenvolvemento Rural de Galicia 2014-2020 prevé na ficha correspondente á submedida 4.3 o apoio a investimentos en infraestruturas destinadas ao desenvolvemento, modernización ou adaptación da agricultura e a silvicultura. Especificamente, contempla a promoción dos investimentos en infraestruturas relacionadas coa explotación e en particular, **a mellora da rede viaria existente no medio rural para facilitar a accesibilidade ás explotacións agrarias**, incidindo directamente na área focal 2A (mellorar os resultados económicos de todas as explotacións e facilitar a súa reestruturación e modernización, en particular co obxecto de incrementar a súa participación e orientación cara o mercado, así como a diversificación agrícola).

Estas actuacións de mellora na rede viaria dan continuidade ás que se desenvolveron no período de programación dos fondos europeos 2007-2013 no marco das medidas 125 e 321 do PDR de Galicia 2007-2013, dentro do obxectivo global dos planes de mellora das infraestruturas no medio rural.

En ambos casos, no contexto de colaboración que debe rexer a relación entre administracións públicas e conscientes de que o desenvolvemento rural cómpre abordalo desde unha perspectiva integral, consensuáronse coa Federación Galega de Municipios e Provincias (FEGAMP) os criterios para a distribución das asignacións económicas correspondentes a cada concello. Estes mesmos criterios han de rexer a convocatoria das axudas que se tramiten ao abeiro do **Plan marco: mellora de camiños municipais de acceso a explotacións agrarias 2016**, cofinanciado con Feader ao abeiro do PDR de Galicia 2014-2020, que se xestionarán en réxime de concesión directa, nos termos previstos no artigo 19.4 da Lei 9/2007, do 13 de xuño, de subvencións de Galicia.

Segundo dispón o Plan Galego de Controis Feader das medidas non establecidas no ámbito do sistema integrado para o período 2014-2020 (actualmente pendente de aprobación definitiva), tratándose de actuacións directas da administración ou axudas xestionadas sen mediar orde de convocatoria, precísase da aprobación dun programa ou plan marco do que se deriven as operacións financiadas, que deberá contar co informe previo da autoridade de xestión do Feader.

Na Lei 12/2015, do 24 de decembro, de orzamentos xerais da Comunidade Autónoma de Galicia para o ano 2016 (*DOG* n.º 222, do 31 de decembro) está consignado crédito na aplicación orzamentaria 2016-13-A1-712A-760.00 para atender as axudas previstas no presente Plan marco.

De acordo co anterior, o director xeral de Agader, no exercicio das competencias delegadas polo Acordo do Consello de Dirección de Agader, do 11 de xullo de 2013 (*DOG* n.º 148, do 5 de agosto),

RESOLVO:

Artigo 1. Obxecto

1. O obxecto desta resolución é aprobar o Plan Marco: Mellora de camiños municipais de acceso a explotacións agrarias-2016, cofinanciado co Fondo Europeo Agrícola de Desenvolvemento Rural (Feader), no marco do PDR de Galicia 2014-2020, que se xunta a esta Resolución como Anexo.

Artigo 2. Financiamento

A dotación máxima para financiar esta convocatoria de axudas ascende a 19.998.110,00 € que se financiarán con cargo á partida orzamentaria 2016-13-A1-712A-760.00 (código de proxecto 2016-00008), dos orzamentos da Axencia Galega de Desenvolvemento Rural para o ano 2016.

Este crédito está cofinanciado nun 75% polo Fondo Europeo Agrícola de Desenvolvemento Rural (Feader) no marco da submedida 4.3 "Inversiones en infraestructuras destinadas al desarrollo, modernización o adaptación de la agricultura y la silvicultura", do Programa de Desenvolvemento Rural de Galicia 2014-2020, nun 7,5% por fondos do Ministerio de Agricultura, Alimentación e Medio Ambiente (MAGRAMA) e nun 17,5% por fondos propios da Xunta de Galicia.

Disposición adicional primeira

Contra esta resolución, que pon fin á vía administrativa, cabe interpor potestativamente recurso de reposición ante o Consello de Dirección de Agader, no prazo dun mes contado desde o día seguinte ao da súa notificación aos concellos, ou recurso contencioso-administrativo ante o órgano xurisdiccional competente, no prazo de dous meses contados desde o día seguinte ao da citada notificación aos concellos.

Disposición adicional segunda

Sobre este procedemento administrativo poderase obter documentación normalizada ou información adicional a través dos seguintes medios:

- a) Na páxina web de Agader <http://agader.xunta.es>
- b) No teléfono 981 547382.

c) Presencialmente, previa cita no teléfono 981 547382.

Santiago de Compostela, 25 de xaneiro de 2016

P.D. (Resolución do 24 de xullo de 2013, *DOG* nº 148, do 5 de agosto)



Antonio Crespo Iglesias
Director xeral da Axencia Galega
de Desenvolvemento Rural

ANEXO

Plan Marco: Mellora de camiños municipais de acceso a explotacións agrarias-2016, cofinanciado co Fondo Europeo Agrícola de Desenvolvemento Rural (Feader), ao abeiro do PDR de Galicia 2014-2020

I. Xustificación das actuación ao abeiro do PDR de Galicia 2014-2020

O artigo 17 do Regulamento (UE) n.º 1305/2013, do Parlamento Europeo e do Consello, do 17 de decembro, relativo ao desenvolvemento rural a través do Fondo Europeo Agrícola de Desenvolvemento Rural (Feader) establece que as axudas previstas no seu apartado 1.c) abrangueran investimentos en infraestruturas destinadas ao desenvolvemento, modernización ou adaptación da agricultura e o sector forestal, a silvicultura, incluído o acceso ás superficies agrícolas e forestais, a consolidación, a mellora de terras e a subministración e aforro de enerxía e auga.

Neste contexto, o Programa de Desenvolvemento Rural de Galicia 2014-2020 prevé na ficha correspondente á submedida 4.3 o apoio a investimentos en infraestruturas destinadas ao desenvolvemento, modernización ou adaptación da agricultura e a silvicultura. Especificamente, contempla a promoción dos investimentos en infraestruturas relacionadas coa explotación e en particular, a mellora da rede viaria existente no medio rural para facilitar a accesibilidade ás fincas agrarias y forestais, incidindo directamente na área focal 2A (mellorar os resultados económicos de todas as explotacións e facilitar a súa reestruturación e modernización, en particular co obxecto de incrementar a súa participación e orientación cara o mercado, así como a diversificación agrícola).

Segundo dispón o Plan Galego de Controis Feader das medidas establecidas no ámbito do sistema integrado para o período 2014-2020, actualmente pendente de aprobación definitiva, tratándose de actuacións directas da administración ou axudas xestionadas sen mediar orde de convocatoria, precísase da aprobación dun programa ou plan marco do que se deriven as operacións financiadas, que deberá contar co informe previo da Autoridade de Xestión do Feader.

Polo tanto, o presente Plan Marco constitúe o instrumento específico de planificación e xustificación das actuacións que a Axencia Galega de Desenvolvemento Rural, (en adiante Agader), prevé executar para apoiar as actuacións de mellora da rede viaria existente no medio rural para facilitar a accesibilidade ás explotacións agrarias.

II. Obxectivos e alcance

Dentro do obxectivo xenérico do fomento da competitividade da agricultura, a axuda ao desenvolvemento rural debe contribuír a mellorar a viabilidade das explotacións agrarias, en particular, e dentro da área focal 2A, o desenvolvemento rural ha de contribuír a mellorar os resultados económicos de todas as explotacións agrarias e facilitar a súa reestruturación e modernización. A viabilidade das explotación require, entre outras actuacións, contar cunha adecuada rede viaria de acceso, de xeito que se proporcione a infraestrutura necesaria para o desenvolvemento das actividades agrícola e silvícola.

Neste contexto, o presente Plan Marco: Mellora de camiños municipais de acceso a explotacións agrarias - 2016 ten por obxecto promover investimentos destinados á mellora da rede viaria existente no medio rural para facilitar a accesibilidade a fincas agrarias e forestais, cos seguintes criterios e alcance:

- Investimentos en todos os concellos de Galicia.
- Obras nas infraestruturas viarias de titularidade municipal que facilitan o acceso a explotacións agrarias.

III. Análise conxuntural

1. Beneficiarios:

Todos os concellos de Galicia

2. Modalidade de axuda:

Concesión directa mediante resolución, ao abeiro do artigo 19.4 da Lei 9/2007, do 13 de xuño, de subvencións de Galicia (en adiante LSG), e do artigo 40 do Decreto 11/2009, do 8 de xaneiro, polo que se aproba o Regulamento da Lei de Subvencións de Galicia (en adiante, RLSG), por concorrer razóns de interese público.

3. Compatibilidade:

As subvencións reguladas neste Plan Marco están financiadas con fondos Feader e, polo tanto, serán incompatibles con calquera outra axuda que, para o mesmo proxecto ou finalidade, leve cofinanciamento comunitario, independentemente do fondo de procedencia e a súa tipoloxía (subvención directa, bonificación de xuros, ...).

Coa salvidade anterior, as subvencións concedidas ao abeiro deste Plan Marco serán compatibles con outras axudas, subvencións ou recursos destinados á mesma finalidade, tanto de orixe pública como privada, sempre que a intensidade máxima das axudas con fondos

públicos non exceda do custo da actividade subvencionada.

4. Marco normativo:

Normativa autonómica:

- Lei 9/2007, do 13 de xuño, de subvencións de Galicia.
- Decreto 11/2009, do 8 de xaneiro, polo que se aproba o Regulamento da Lei 9/2007, do 13 de xuño, de subvencións de Galicia.
- Decreto 166/2015, do 13 de novembro, polo que se aproba a estrutura orgánica da Consellería do Medio Rural.

Normativa estatal:

- Lei 38/2003, do 17 de novembro, xeral de subvencións.
- Real Decreto 887/2006, do 21 de xullo, polo que se aproba o Regulamento da Lei 38/2003, do 17 de novembro, xeral de subvencións.
- Lei 30/1992, do 26 de novembro, de réxime xurídico das administracións públicas e do procedemento administrativo común.
- Real decreto legislativo 3/2011, do 14 de novembro, polo que se aproba o texto refundido da Lei de contratos do sector público.

Normativa comunitaria:

- Programa de desenvolvemento rural de Galicia 2014-2020, aprobado pola Decisión da Comisión C (2015) 8144, do 18 de novembro de 2015.
- Regulamento (UE) n.º 1303/2013, do Parlamento Europeo e do Consello, do 17 de decembro, polo que se establecen disposicións comúns relativas ao FEDER, FSE, ao Fondo de Cohesión, ao FEADER e ao FEMP, e polo que se establecen disposicións xerais relativas ao FEDER, FSE, ao Fondo de Cohesión e ao FEMP.
- Regulamento (UE) n.º 1305/2013 do Parlamento Europeo e do Consello, do 17 de decembro, relativo á axuda ao desenvolvemento rural a través do Fondo Europeo Agrícola de Desenvolvemento Rural (Feader) e polo que se derroga o Regulamento (CE) n.º 1698/2005 do Consello.
- Regulamento (UE) n.º 1306/2013 de 17 de decembro de 2013, do Parlamento Europeo e do Consello, sobre o financiamento, xestión e seguemento da Política Agrícola Común.
- Regulamento delegado (UE) n.º 807/2014 da Comisión, do 11 de marzo de 2014, que completa ao Regulamento (UE) n.º 1305/2013 do Parlamento Europeo e do Consello, relativo a axuda ao desenvolvemento rural a través dos Fondos Europeo Agrícola de Desenvolvemento Rural (FEADER), e introduce disposicións transitorias.
- Regulamento de execución (UE) n.º 808/2014 da Comisión, do 17 de xullo, polo que se establecen disposicións de aplicación do Regulamento (UE) n.º 1305/2013.
- Regulamento (UE) n.º 809/2014 da Comisión, do 17 de xullo, polo que se establecen disposicións de aplicación do Regulamento (UE) n.º 1306/2013, do Parlamento Europeo e do Consello no que se refire ao sistema integrado de xestión e control, as medidas de desenvolvemento rural e a condicionalidade.
- Decisión da Comisión, do 19.12.2013, relativa ao establecemento e á aprobación das directrices para a determinación das correccións financeiras que haxa de aplicar a

Comisión aos gastos financiados pola Unión no marco da xestión compartida, no caso de incumprimento das normas en materia de contratación pública

5. Vixencia:

O presente Plan Marco estende a súa vixencia durante todo o exercicio orzamentario 2016.

6. Responsables e axentes:

Agader é o órgano responsable da xestión e instrumentación das actuacións inherentes a este Plan Marco. Dentro da estrutura orgánica deste ente público, a unidade xestora responsable da implementación das actuacións será a Subdirección de Planificación e Dinamización do Medio Rural, sen prexuízo da necesaria coordinación coa Consellería do Medio Rural, que habilitará o persoal técnico necesario para prestar o asesoramento, colaboración e asistencia técnica necesaria a Agader en todo o relacionado coas especificidades técnicas propias das actuacións a desenvolver ao abeiro deste Plan Marco.

IV. Estratexia operativa

1. Tipoloxía de actuacións: Son subvencionables ao abeiro deste Plan Marco as actuacións de ampliación, mellora ou mantemento dos camiños municipais de acceso a explotacións agrarias nos seguintes termos:

- Ampliación: as que supoñan un incremento da largura que incidan na mellora de seguridade vial, permita o cruce de vehículos ou sobreanchos necesarios en zonas de curvas, de baixa visibilidade ou entroncamentos. Tamén poderán incluír obras de incremento de lonxitude sempre e cando esta ampliación supoña rematar nunha estrada ou noutro camiño.
- Mellora: as que supoñan un reforzo do firme existente coa incorporación de novas capas máis axeitadas ás características do tráfico rodado que soportan. Terán tamén esta consideración as obras de mellora do drenaxe, da seguridade vial, reforzo de noiros (con muros ou outras estruturas de contención), adecuación de obras de paso de cauces e reforzo de cunetas así como a integración ambiental ou a mellora da sinalización.
- Mantemento: tanto do firme existente (escarificacións e compactacións, arranxo de fochas, tratamentos superficiais etc) como das marxes do mesmo (limpeza e perfilado de noiros e cunetas), reforzos dos terrapléns. Non se subvencionarán actuacións consistentes só en arranxo de fochas.

Aos efectos deste Plan Marco, enténdese por camiños municipais de acceso a explotacións agrarias aqueles de indubidable titularidade municipal que faciliten o acceso a fincas que integran unha explotación agraria, inscrita no Rexistro de Explotacións Agrarias de Galicia

(REAGA) ou noutro rexistro público de carácter análogo.

Quedan excluídas as actuacións en rúas e vías interiores dentro dos núcleos de poboación.

2. Elixibilidade dos gastos:

Con carácter xeral, son subvencionables os investimentos necesarios para as obras de mellora, mantemento e ampliación da rede viaria existente. En particular:

- Obra civil vinculada á execución do proxecto
- Servizo de control da calidade da obra

Non serán subvencionables en ningún caso:

- O Imposto do Valor Engadido (IVE).
- Os gastos correspondentes a actuacións que inclúan obras de alumeado, abastecemento e saneamento de augas fecais.
- Os gastos de redacción de proxecto, nin os de estudos necesarios para a súa redacción.
- Os gastos de dirección de obra, de coordinación de seguridade e saúde, seguimento arqueolóxico ou outros servizos complementarios.
- Gastos por taxas ou licencias necesarias.
- Con carácter xeral, os gastos de obra das actuacións que non fosen aprobadas por Agader.
- O panel de obra.

Non se admitirán partidas a tanto alzado.

3. Intensidade de axuda: A axuda cubrirá o 100% dos gastos subvencionables.

V. Requisitos e regras xerais:

1. Todas as actuacións deberán cumprir os requisitos seguintes:

1.1. Que non estean iniciadas na data de presentación da solicitude da axuda. Os solicitantes poderán iniciar a execución do proxecto antes da resolución de concesión da subvención sempre que acrediten que non está iniciado na data de solicitude da axuda, ben cunha acta notarial que reflecta fidedignamente o non inicio da obra, ou ben cunha acta de non inicio levantada por Agader por petición do interesado.

1.2. Que se trate actuacións que incidan en camiños de titularidade municipal que faciliten o acceso, cando menos, a unha parcela integrante dunha explotación agraria.

1.3. Que se desenvolvan no territorio de Galicia exceptuando as zonas incluídas nos perímetros urbanos, definidos como tales no planeamento urbanístico vixente, das cidades de Ferrol, Lugo,

Ourense, Pontevedra, Santiago de Compostela, A Coruña e Vigo.

1.4. Que sexan finalistas, é dicir, que no momento da certificación final cumpran os obxectivos e funcións para os cales foron aprobados. En ningún caso se admitirán fases de proxectos.

1.5. Que sexan viables financeiramente.

1.6. Que se axusten á normativa sectorial (comunitaria, estatal e autonómica) que resulte de aplicación para cada tipo de proxecto.

1.7. Que se axusten ás especificacións indicadas no presente Plan Marco.

1.8. Que o promotor do proxecto non teña sido sancionado pola Consellería do Medio Rural pola comisión de infraccións en materia de subvencións no prazo de un ano se a infracción foi cualificada como leve, de dous anos se a infracción foi cualificada como grave ou tres anos se a infracción foi cualificada como moi grave. Os prazos computaranse desde a data de remate de presentación das solicitudes.

1.9. Non se subvencionará ningunha actuación que incida sobre actuacións incluídas nos Plans marco: programa de mellora de camiños de titularidade municipal, cofinanciados con Feader no marco do PDR de Galicia 2007-2013, correspondentes aos períodos 2013-2014 (Resolución do director xeral de Agader, do 13 de setembro de 2013, *DOG* n.º 186, do 30 de setembro) e 2014-2015 (Resolución do director xeral de Agader, do 20 de novembro de 2014).

1.10. Non se aceptará a inclusión de novas actuacións unha vez realizado o informe de control de elixibilidade das actuacións propostas inicialmente.

1.11. Os concellos deberán contratar o servizo de control de calidade das obras executadas, que constituirá un gasto elixible nos termos previstos no apartado IV deste Plan Marco. Este control deberá abarcar, cando menos, os seguintes aspectos:

- Control da calidade dos materiais empregados
- Control da calidade dos métodos de execución
- Control da calidade das obras rematadas

2. Aqueles beneficiarios da axuda que a 30 de setembro de 2016 non tiveren renunciado expresamente a ela e non executasen nin xustificasen o proxecto, sen causa debidamente xustificada e comunicada a Agader, quedarán excluídos das seguintes convocatorias que tramite Agader ao abeiro da submedida 4.3 do PDR de Galicia 2014-2020.

3. Os beneficiarios das axudas, de ser o caso, estarán suxeitos ao réxime sancionador previsto no título IV da LSG, desenvolvido no título VI RLSG.

VI. Criterios de selección de operacións

En cumprimento do disposto no artigo 49 do Regulamento (UE) n.º 1305/2013, as actuacións propostas deberán cumprir, cando menos, con algún dos seguintes criterios de calidade, co fin de garantir un uso satisfactorio dos recursos financeiros:

- 1) Infraestruturas que faciliten o acceso a dúas ou máis parcelas integrantes de explotacións agrarias
 - 1.1.- Acceso a explotacións agropecuarias ... 5 puntos
 - 1.2.- Acceso a explotacións forestais 2 puntos
- 2) Infraestruturas que favorezan o acceso a montes veciñais en man común
 - 2.1.- Monte veciñal con aproveitamento silvo pastoral ... 5 puntos
 - 2.2.- Monte veciñal sen aproveitamento silvo pastoral ... 2 puntos
- 3) Infraestruturas que favorezan o acceso a parcelas incorporadas ao Banco de Terras de Galicia.
 - 3.1.- Acceso a parcelas de vocación agropecuaria ... 5 puntos
 - 3.2.- Acceso a parcelas de vocación forestal 2 puntos
 - 3.3.- Acceso a parcelas non arrendadas 1 punto

Entenderase que as actuacións propostas cumpren co mínimo criterio de calidade exixido, cando á vista das puntuacións expostas, acaden, cando menos, 1,5 puntos. A puntuación máxima que pode alcanzar a cada unha das actuacións propostas non excederá, acumulativamente, de 5 puntos.

Corresponde á Subdirección de Planificación e Dinamización do Medio Rural, en calidade de entidade xestora das axudas, valorar as actuacións propostas á vista dos criterios e puntuación expostos.

En todo caso, os criterios de selección citados, serán incluídos no documento "Criterios de selección de operacións" aprobado polo Comité de seguimento do PDR 2014-2020, para todas as operacións incluídas no PDR 2014-2020 para Galicia.

VII. Procedemento de execución

A execución das actuacións amparadas no presente plan marco axustaranse ao seguinte esquema de procedemento:

1. A Dirección Xeral de Agader remitirá a todos os concellos de Galicia a resolución pola que se aproba o **Plan Marco: Mellora de camiños municipais de acceso a explotacións agrarias- 2016**,

no que se establecen as cantidades máximas de axuda para cada un dos concellos.

2. O prazo para presentar as solicitudes para acollerse ás axudas previstas no Plan marco: **Mellora de camiños municipais de acceso a explotacións agrarias- 2016** será de un (1) mes, contado desde o día seguinte ao da notificación da resolución de aprobación do citado Plan Marco. Se o último día do prazo for inhábil entenderase prorrogado ao primeiro día hábil seguinte.

As solicitudes presentaranse no modelo normalizado que se anexa (modelo A), e que poderá descargarse na páxina web de Agader <http://agader.xunta.es>, e acompañaranse da seguinte documentación:

2.1. Un único proxecto, en formato papel e unha copia en CD onde se recolla para cada actuación:

2.1.1 Identificación do seu obxecto e xustificación da necesidade da actuacións propostas.

2.1.2. Planos de localización e de detalle necesarios, indicando:

- O trazado exacto das actuacións, a súa lonxitude e largura e os puntos de inicio e final debidamente xeorreferenciados.
- Identificación sobre plano de fincas integrantes das explotacións agrarias afectadas polas actuacións propostas.

2.1.3. Xustificación dos prezos das unidades de obra.

2.1.4. Medicións e orzamento (excluído IVE)

A suma dos orzamentos (excluído IVE) de todas as actuacións non poderá superar o orzamento máximo asignado para cada concello.

O importe mínimo para cada unha das actuacións (en termos de gasto subvencionable) deberá ser superior a 6.000 €.

As unidades de obra utilizadas nos proxectos terán que axustarse na súa totalidade á estrutura de descomposición das tarifas SEAGA vixentes, que estarán publicadas no enlace http://www.medioruralemar.xunta.es/areas/infraestructuras/tarifas_seaga/ ou na paxina web de Agader <http://agader.xunta.es>. Non se admitirán unidades de obra que non se axusten a estes criterios. Así mesmo, o prezo máximo das unidades de obra non poderá superar o das citadas tarifas.

Os custos do control de calidade non deberán integrarse no orzamento do proxecto.

2.2. Arquivo electrónico, segundo o modelo normalizado que deberá descargarse da páxina web de Agader <http://agader.xunta.es>, identificando as parcelas afectadas polas actuacións propostas.

2.3. Certificación do secretario municipal da designación legal do representante da entidade solicitante.

2.4. Certificación do acordo da entidade polo que se aproba participar no presente Plan Marco.

2.5. Certificación do secretario/interventor do concello mediante o que se acredite suficientemente a titularidade municipal dos camiños e a dispoñibilidade dos terreos necesarios para a normal execución das obras.

2.6. Informe do técnico municipal competente na materia detallando a natureza e data da última intervención sobre cada unha das actuacións propostas, e a orixe dos fondos financiadores.

2.7. Certificación do secretario/interventor municipal acreditativo de que a entidade solicitante remitiu as contas do último exercicio orzamentario a que legalmente está obrigado ao Consello de Contas (Decreto 193/2011, DOG nº 201, do 20 de outubro). Nesta certificación deberá quedar acreditado que a remisión das contas ao Consello de Contas se efectuou antes do vencemento do prazo de presentación da solicitude da axuda, polo que a data de sinatura do certificado implicará que a remisión das respectivas contas ao Consello de Contas se efectuou en todo caso nunha data anterior á data de emisión do certificado.

3. Análise documental da solicitude de axuda e da documentación anexa anteriormente referida. Se a solicitude non reúne os requisitos indicados requirirase ao interesado para que efectúe a correspondente emenda, nos termos previstos na Lei 30/1992, do 26 de novembro, de réxime xurídico das administracións públicas e do procedemento administrativo común (en adiante, LRXAP).

4. Levantamento da Acta de Non Inicio, co obxecto de reflectir que a obra non está iniciada, nos termos requiridos no apartado V.1 do presente Plan Marco e Informe de control de elixibilidade (ICE) das operacións propostas, no que se determinará a elixibilidade do proxecto á vista dos requirimentos que derivan deste Plan marco e, en particular, dos criterios de selección de operacións que se indican no apartado VI do citado plan.

5. Resolución do director xeral de Agader de concesión da axuda, logo da proposta efectuada pola Subdirección de Planificación e Dinamización do Medio Rural, que concretará as actuacións aprobadas, o importe da subvención concedida e as condicións de concesión.

O prazo para ditar resolución será de tres meses a contar desde o día seguinte a aquel en que remate o prazo para presentación de solicitudes. O interesado poderá entender desestimada a súa solicitude por silencio administrativo transcorrido o prazo anterior sen que se tiña notificado a resolución expresa.

6. Contra a resolución de concesión os interesados poderán interpor recurso potestativo de reposición diante do Consello de Dirección de Agader, nos termos previstos nos artigos 116 e seguintes da LRXAP, ou ben interpor directamente un recurso contencioso-administrativo ante o órgano xurisdiccional competente, nos termos previstos na Lei 29/1998, do 13 de xullo, reguladora da xurisdicción contencioso-administrativa.

7. Licitación e execución por parte do concello dun único proxecto de obra que inclúa todas as actuacións aprobadas. O procedemento de contratación pública deberá tramitarse de acordo co texto refundido da Lei de contratos do sector público, aprobado polo Real decreto lexislativo 3/2011, do 14 de novembro (en adiante, LCSP).

Os beneficiarios están obrigados a contratar as obras aprobadas segundo os procedementos previstos no artigo 138 do citado texto legal.

Non se admitirá a execución de obras a través de encomendas de xestión.

No caso de contratos tramitados ao abeiro do artigo 138.3 da LCSP, deberán solicitarse tres ofertas a tres provedores distintos, nos termos referidos no apartado X deste Plan marco, e debe quedar xustificado no expediente a selección da oferta elixida.

VIII. Xustificación dos investimentos

1. O prazo límite para a execución dos investimentos vinculados aos proxectos subvencionados e para a xustificación dos gastos será o 30 de setembro de 2016.

2. Os investimentos xustificaranse documentalmente nos seguintes termos:

2.1. Os beneficiarios deberán presentar, debidamente cumprimentada, a solicitude de pagamento que se anexa como modelo normalizado (modelo B) , e que poderán descargar da páxina web de Agader <http://agader.xunta.es>

2.2. Xunto coa solicitude de pagamento, deberán presentar a seguinte documentación:

2.2.1. Certificación de fin de obra asinada polo técnico competente director da obra, tanto en formato papel como en CD.

2.2.2. Informe gráfico de seguimento de execución das obras.

2.2.3. Os informes co resultado do control de calidade das obras.

2.2.4. Xustificación documental a través das oportunas facturas e documentos acreditativos do pagamento.

Presentaranse facturas orixinais en papel ou facturas electrónicas rexistradas no Punto Xeral de entrada de facturas electrónicas da Administración Xeral do Estado (FACE) ou plataforma similar. Neste último caso presentarase ademais a certificación do secretario do concello acreditativa do código de rexistro administrativo de presentación da factura no FACE ou plataforma similar.

Os xustificantes de pagamento tramitados a través da banca electrónica deberán vir validados co selo da entidade bancaria correspondente.

2.2.5. Informe do técnico municipal competente acreditativo do cumprimento da lexislación urbanística e de protección do medio rural, así como do planeamento en vigor, con indicación, de ser o caso, dos permisos e autorizacións necesarios para a execución do proxecto.

2.2.6. De ser o caso, presentación dos correspondentes permisos e autorizacións legalmente esixidos para levar a cabo as obras. Nos termos previstos no artigo 45 do Regulamento (UE) nº. 1305/2013, as operacións de investimento irán precedidas dunha avaliación de impacto ambiental cando poidan ter efectos negativos no medio ambiente.

2.2.7. Certificación ou informe do secretario/interventor ou, de ser o caso, do empregado público que de acordo coa estrutura organizativa do concello teña atribuída as competencias en materia de contratación pública, acreditando que o procedemento de contratación se tramitou nos termos previstos no Real decreto lexislativo 3/2011, do 14 de novembro, polo que se aproba o texto refundido da Lei de contratos do sector público.

Este informe ou certificación acompañarase do listado de comprobación para operacións de investimento público, que poderá descargarse da páxina web de Agader <http://agader.xunta.es>

O expediente de contratación deberá estar dispoñible no concello para a súa comprobación e, de ser o caso, deberá remitirse copia a Agader no caso de que se así se lle requira ao concello.

2.2.8. No caso de contratos menores, as tres ofertas solicitadas, nos termos previstos no apartado X deste Plan Marco.

2.2.9. Certificación do secretario municipal do acordo de aprobación do proxecto técnico das obras.

2.2.10. De ser o caso, e dado que nos termos previstos no apartado IX está prevista a concesión de anticipos, a carta de pagamento de reintegro no suposto de remanentes non aplicados así como dos xuros derivados destes.

2.2.11. Con carácter previo ao pagamento deberá acreditarse que o beneficiario está ao corrente no cumprimento das súas obrigas tributarias e fronte á Seguridade Social e non ten pendente de pagamento ningunha outra débeda coa Administración pública da Comunidade Autónoma ou sexa debedor por resolución de procedencia de reintegro.

3. Agader realizará unha visita *in situ* para comprobar o remate da obra obxecto da solicitude de pagamento. Os gastos xustificandos deben coincidir cos compromisos adquiridos segundo a resolución de concesión da subvención e coa certificación de fin de obra achegada.

IX. Réxime de pagamento

1. Dado o carácter anual da convocatoria, non se tramitarán pagamentos a conta. Non obstante o anterior, os beneficiarios das axudas poderán solicitar a concesión dun pagamento anticipado como financiamento necesario para levar a cabo as actuacións inherentes ao proxecto subvencionado. A solicitude de pagamento do anticipo presentarase segundo o modelo normalizado que poderá descargarse da páxina web de Agader <http://agader.xunta.es>

A tramitación e concesión do pagamento anticipado suxeitarase á regulación do artigo 31.6 da LSG, dos artigos 63 e seguintes do Decreto 11/2009 e do artigo 45.4 do Regulamento (UE) n.º 1305/2013. De acordo con esta normativa, o pagamento anticipado non poderá superar o 50 % da axuda pública concedida nin, de ser o caso, exceder a anualidade prevista en cada exercicio orzamentario.

En todo caso, súa concesión supeditarase á constitución con carácter previo ao pagamento, dunha garantía escrita da autoridade competente, que deberá acadar o 100% do importe anticipado, nos termos previstos no artigo 63 do Regulamento (UE) n.º 1305/2013. A dita garantía deberá recoller de xeito expreso o compromiso de aboar o importe cuberto pola garantía no caso de que non se estableza o dereito ao importe anticipado.

A garantía a que se refire o parágrafo anterior terá validez ata que Agader autorice a súa cancelación, unha vez que o promotor acredite a realización e pagamento dos investimentos e o cumprimento dos obxectivos e condicións estipulados na resolución de concesión da axuda.

2. Conforme o artigo 63 do Regulamento de execución (UE) n.º 809/2014, cando o importe que derive da solicitude de pagamento supere en máis dun 10% o importe pagadeiro ao beneficiario logo do exame da admisibilidade do gasto que figura na solicitude de pagamento aplicárase

unha sanción administrativa a este último importe. O importe da sanción será igual á diferenza entre eses dous importes, pero non irá máis alá da retirada total da axuda.

3. Procederá o reintegro das contías percibidas indebidamente e a exixencia dos xuros de demora nos supostos previstos no artigo 33.1 da LSG. Estes xuros calcularanse en función do tempo transcorrido entre a finalización do prazo de pago para o beneficiario indicado na orde de recuperación, que non poderá fixarse en máis de 60 días, e a data de reembolso ou dedución (Regulamento (UE) nº 809/2014 da Comisión, do 17 de xullo). O procedemento de reintegro tramitarase nos termos previstos no artigo 77 do Decreto 11/2009.

X. Moderación de custos

En aplicación do disposto no artigo 30.5 da Lei 9/2007, do 13 de xuño, de subvencións de Galicia, e do artigo 48 do Regulamento(UE) n.º 809/2014 da Comisión, do 17 de xullo de 2014, polo que se establecen disposicións de aplicación do Regulamento (CE) nº 1306/2013, o órgano instructor poderá comprobar en calquera momento, e particularmente nas fases de instrución e de xustificación, a moderación dos custos ou valor de mercado dos gastos subvencionables e xustificados mediante a comparación de ofertas comerciais ou de custos de proxectos similares, prezos coñecidos de mercado ou por calquera dos medios previstos no artigo 30.5 da LSG.

Naqueles supostos nos que os concellos por razón da contía, e tendo en conta o disposto na normativa pública de contratación, non estean obrigados a acudir a algún dos procedementos previstos no artigo 138.2 do Real decreto lexislativo 3/2011, do 14 de novembro, polo que se aproba o texto refundido da Lei de contratos do sector público, deberán solicitar e presentar tres ofertas das obras a levar a cabo, nos seguintes termos:

- Solicitaranse tres ofertas a tres provedores distintos, previa acreditación da súa capacidade e medios axeitados para realizar o obxecto da prestación.
- As ofertas non poden provir de empresas vinculadas entre si, nos termos previstos na LCSP.
- Deberá remitirse o contido de cada unha das ofertas, e non se admitirá o certificado, informe, invitacións realizadas ou documento similar indicando que se solicitaron e se tiveron en conta tales ofertas na elección da proposta escollida sen que se concrete o seu alcance.
- As ofertas presentadas deberán ser auténticas e non de compracencia (contido idéntico, erros idénticos, aparencia sinxela etc) e deberán conter os elementos precisos para identificar ás empresas ofertantes, con referencia cando menos, á data de expedición, enderezo e razón social da empresa e identificación do concello petionario.
- As ofertas deberán estar o suficientemente detalladas e incluír os mesmos elementos para ser

comparables.

XI. Obrigas dos beneficiarios

1. Con carácter xeral, son obrigas dos beneficiarios as establecidas no artigo 11 da LSG e, en particular, as establecidas na resolución de concesión e neste Plan Marco.

2. O concello asume todas e cantas responsabilidades dimanen das posibles irregularidades ou ilegalidades que se produzan no cumprimento do compromiso adquirido polo Concello.

3. As obras incluídas neste Plan Marco deberán ter unha garantía de mantemento de, cando menos, 5 anos que, en todo caso, será o compromiso de explotación, mantemento e conservación por parte do concello beneficiario da axuda. Igualmente, os concellos asumen o compromiso de que a obra non se someterá a ningunha modificación importante desde a súa entrega ata que se cumpra o prazo establecido no artigo 71 do Regulamento (UE) n.º 1303/2013, do 17 de decembro, que impide modificacións importantes nos cinco anos seguintes.

4. No caso de tramitación dun modificado dun proxecto, que deberá tramitarse nos termos previstos no artigo 234 da LCSP, deberá comunicarse a Agader a citada modificación.

5. Os beneficiarios, en cumprimento das obrigas de información e publicidade reguladas no anexo III do Regulamento (UE) n.º 808/2014, da Comisión, do 17 de xullo, deben publicitar a concesión da axuda durante a realización da operación do seguinte xeito:

- Deberán incluír na súa páxina web unha referencia á operación subvencionada, que deberá permanecer, cando menos, ata o pagamento final da axuda.

- Colocarán un panel de obra con información acerca da operación, que deberá permanecer, cando menos, ata o pagamento final da axuda.

O 25% do espazo, como mínimo, do panel estará ocupado pola descrición do proxecto, o emblema da Unión, o logotipo Feader e o lema «Feader: Europa inviste no rural».

Todas as actividades informativas e publicitarias incorporarán o logotipo do Fondo Europeo de Desenvolvemento Rural (Feader), xunto co do Ministerio de Agricultura, Alimentación e Medio Ambiente, o da Xunta de Galicia e o lema anterior.

Agader facilitaralles aos beneficiarios os modelos ao través da súa páxina web.

6. O beneficiario deberá conservar os documentos xustificativos da aplicación dos fondos recibidos, polo menos, durante o período de permanencia dos investimentos e está obrigado a

facilitar a información que lle requira a Agader e a someterse ás actuacións de comprobación e control financeiro dos órganos competentes da administración autonómica, estatal e comunitaria no exercicio das súas funcións.

7. Os beneficiarios deben someterse aos controis previstos na normativa comunitaria propia do Feader e recollidos no Regulamento (CE) 809/2014, de controis, consistentes polo menos en controis administrativos, controis sobre o terreo e controis a posteriori.

8. Os beneficiarios estarán obrigados a levar un sistema de contabilidade separado ou ben un código contable adecuado para todas as transaccións relativas ao proxecto subvencionado (artigo 66 do Regulamento (UE) 1305/2013).

XII. Criterios de selección

Utilizaranse os seguintes criterios para a distribución dos fondos:

Considéranse a totalidade dos concellos de Galicia

A asignación total do Plan é de	19.998.110,00 €
Este orzamento distribúese do seguinte xeito:	
Asignación fixa por concello	19.675 €
Asignación por habitante (*)	13 €
(*) Habitantes: máximo por concello	29.500€
(*) Habitantes: mínimo por concello	17.500 €
Asignación por entidade de poboación	153 €

Esta asignación corríxirase cos seguintes coeficientes:

Superficie do concello, $S < 50 \text{ km}^2$	Decremento 10%
Superficie do concello, $50 < S < 100 \text{ km}^2$	Sen variación
Superficie do concello, $100 < S < 200 \text{ km}^2$	Incremento 10%
Superficie do concello, $S > 200 \text{ km}^2$	Incremento 20%
Agrariedade, $A < 90\%$	Decremento 10%
Agrariedade, $90\% < A < 110\%$	Sen variación
Agrariedade, $A > 110\%$	Incremento 10%
Grado de despoboamento $> 25\%$	Incremento 10%
Grado de envellecemento $> 50\%$	Incremento 10%

Consideracións:

En concellos urbanos (A Coruña, Ferrol, Santiago de Compostela, Lugo, Ourense, Pontevedra e Vigo) considérase poboación rural a que reside en núcleos de menos de 1.000 habitantes.

Nestes concellos urbanos, considéranse entidades de poboación as de menos de 1.000 habitantes.

O coeficiente de Agrariedade calcúlase do seguinte xeito:

$$A = 0,14S + 0,65 Ex + 0,60Eb + 0,10 Rea + 0,05M$$

S = % superficie total explotacións/superficie total concello

Ex = % explotacións con SAU/poboación rural

Eb = % explotacións bovino/poboación rural

Rea = traballadores afiliados Rea/poboación rural

M = Maquinaria en propiedade/Poboación rural

Despoboamento: Evolución demográfica. Prímase aos concellos con demografía negativa (habitantes 2012-habitantes 2009)/habitantes 2009.

Envellecemento: distribución en función do % de maiores de 65 anos. Prímase aos máis envellecidos.

Núcleos de poboación: Conxunto de polo menos dez edificacións, que están formando rúas, prazas e outras vías urbanas. O número de edificacións poderá ser inferior a 10, sempre que a poboación que habita as mesmas supere os 50 habitantes. Inclúense no núcleo aquelas edificacións que, estando illadas, distan menos de 200 metros dos límites exteriores do citado conxunto, se ben na determinación desta distancia excluíranse os terreos ocupados por instalacións industriais ou comerciais, parques, xardíns, zonas deportivas, cemiterios, aparcamentos e outros, así como as canles ou ríos que poidan ser cruzados por pontes (Definición IGE).

Entidades singulares de poboación: Calquera área habitable do termo municipal, habitada ou excepcionalmente deshabitada, claramente diferenciada dentro do mesmo, e que se coñece por unha denominación específica que a identifica sen posibilidade de confusión. Unha área considérase habitable cando existen na mesma vivendas habitadas ou en condicións de selo e considérase claramente diferenciada cando as edificacións e vivendas pertencentes á mesma poden identificarse perfectamente sobre o terreo e o conxunto das mesmas coñécese por unha denominación (Definición IGE).

Datos utilizados:

- Núcleos de Poboación: IGE 2011
- Entidades singulares de Poboación: IGE 2011
- Superficie do Concellos: IGE 2011
- Poboación total concellos: IGE 2012
- Poboación Rural: Estimado (mesmos coeficientes reparto PEIM 2009-2012)
- Superficie total das explotacións agrícolas segundo aproveitamento: IGE 2009 (último dato)
- Explotacións agrícolas con terras: IGE 2009 (último dato).
- Explotacións agrícolas con SAU: IGE 2009 (último dato).
- Explotacións de bovino: IGE 2011
- REA traballadores conta propia: INSS 2003 (último dato)
- Maquinaria propiedade exclusiva da explotación agrícola: INE 1999 (último dato)
- Despoboamento: IGE 2009 e 2012
- Envellecemento: IGE 2011

Estes datos foron os utilizados para a distribución dos fondos nos Plans marco correspondentes aos períodos 2013-2014 e 2014-2015.

No seguinte cadro figura a listaxe de concellos beneficiados coas correspondentes asignacións de acordo cos criterios de distribución anteriores:

Mellora de camiños municipais de acceso a explotacións agrarias 2016		RESULTADO ASIGNACIÓN SEN IVE
		Total
Código	Concello	19.998.110 €
15001	Abegondo	76.308 €
15002	Ames	59.955 €
15003	Aranga	82.318 €
15004	Ares	44.417 €
15005	Arteixo	59.818 €
15006	Arzúa	105.044 €
15007	Baña, A	71.427 €
15008	Bergondo	49.250 €
15009	Betanzos	44.913 €
15010	Boimorto	72.457 €
15011	Boiro	59.680 €
15012	Boqueixón	61.329 €
15013	Brión	71.932 €
15014	Cabana de Bergantiños	86.346 €
15015	Cabanas	46.896 €
15016	Camariñas	47.838 €

15017	Cambre	53.836 €
15018	Capela, A	57.140 €
15019	Carballo	114.670 €
15020	Carnota	51.280 €
15021	Carral	55.447 €
15022	Cedeira	73.655 €
15023	Cee	51.005 €
15024	Cerceda	69.129 €
15025	Cerdido	56.544 €
15027	Coirós	38.364 €
15028	Corcubión	35.032 €
15029	Coristanco	85.605 €
15030	Coruña, A	45.285 €
15031	Culleredo	51.418 €
15032	Curtis	85.790 €
15033	Dodro	43.054 €
15034	Dumbría	72.831 €
15035	Fene	56.562 €
15036	Ferrol	52.244 €
15037	Fisterra	42.806 €
15038	Frades	67.052 €
15039	Irixoa	63.006 €
15040	Laxe	66.722 €
15041	Laracha, A	86.248 €
15042	Lousame	66.715 €
15043	Malpica	58.661 €
15044	Mañón	60.452 €
15045	Mazaricos	77.274 €
15046	Melide	94.491 €
15047	Mesía	88.382 €
15048	Miño	46.524 €
15049	Moeche	55.587 €
15050	Monfero	92.656 €
15051	Mugardos	41.691 €
15052	Muxía	78.385 €
15053	Muros	52.657 €
15054	Narón	69.457 €
15055	Neda	50.738 €
15056	Negreira	75.978 €
15057	Noia	52.968 €

15058	Oleiros	50.490 €
15059	Ordes	101.156 €
15060	Oroso	60.993 €
15061	Ortigueira	129.538 €
15062	Outes	72.584 €
15063	Oza-Cesuras	157.818 €
15064	Paderne	52.520 €
15065	Padrón	49.127 €
15066	Pino, O	74.682 €
15067	Pobra do Caramiñal, A	52.349 €
15068	Ponteceso	60.344 €
15069	Pontedeume	49.250 €
15070	Pontes de García Rodríguez, As	94.915 €
15071	Porto do Son	64.362 €
15072	Rianxo	56.513 €
15073	Ribeira	54.723 €
15074	Rois	72.606 €
15075	Sada	48.259 €
15076	San Sadurniño	85.228 €
15077	Santa Comba	92.176 €
15078	Santiago de Compostela	91.775 €
15079	Santiso	64.756 €
15080	Sobrado	85.655 €
15081	Somozas, As	66.138 €
15082	Teo	63.398 €
15083	Toques	56.040 €
15084	Tordoia	71.350 €
15085	Touro	85.235 €
15086	Trazo	72.831 €
15087	Valdoviño	72.624 €
15088	Val do Dubra	77.830 €
15089	Vedra	69.218 €
15090	Vilasantar	70.630 €
15091	Vilamaior	51.041 €
15092	Vimianzo	79.311 €
15093	Zas	77.644 €
15901	Cariño	49.003 €
27001	Abadín	95.972 €
27002	Alfoz	76.121 €
27003	Antas de Ulla	78.150 €

27004	Baleira	68.614 €
27005	Barreiros	69.576 €
27006	Becerreá	80.792 €
27007	Begonte	78.570 €
27008	Bóveda	53.958 €
27009	Carballedo	95.047 €
27010	Castro de Rei	105.599 €
27011	Castroverde	81.162 €
27012	Cervantes	81.177 €
27013	Cervo	53.208 €
27014	Corgo, O	91.529 €
27015	Cospeito	98.194 €
27016	Chantada	110.413 €
27017	Folgoso do Courel	53.683 €
27018	Fonsagrada, A	121.056 €
27019	Foz	57.771 €
27020	Friol	126.105 €
27021	Xermade	93.881 €
27022	Guitiriz	127.519 €
27023	Guntín	87.456 €
27024	Incio, O	76.442 €
27025	Xove	61.415 €
27026	Láncara	87.271 €
27027	Lourenzá	69.071 €
27028	Lugo	138.424 €
27029	Meira	48.230 €
27030	Mondoñedo	78.570 €
27031	Monforte de Lemos	100.230 €
27032	Monterroso	80.792 €
27033	Muras	79.786 €
27034	Navia de Suarna	69.671 €
27035	Negueira de Muñiz	45.942 €
27037	Nogais, As	54.979 €
27038	Ouroi	87.377 €
27039	Outeiro de Rei	89.678 €
27040	Palas de Rei	114.670 €
27041	Pantón	96.898 €
27042	Paradela	81.968 €
27043	Páramo, O	60.372 €
27044	Pastoriza, A	92.085 €

27045	Pedrafita do Cebreiro	54.794 €
27046	Pol	72.576 €
27047	Pobra do Brollón, A	70.870 €
27048	Pontenova, A	71.905 €
27049	Portomarín	69.089 €
27050	Quiroga	72.773 €
27051	Ribadeo	84.494 €
27052	Ribas de Sil	39.654 €
27053	Ribeira de Piquín	47.288 €
27054	Riotorto	64.120 €
27055	Samos	68.832 €
27056	Rábade	33.688 €
27057	Sarria	108.191 €
27058	Saviñao, O	107.450 €
27059	Sober	97.824 €
27060	Taboada	93.566 €
27061	Trabada	61.425 €
27062	Triacastela	45.773 €
27063	Valadouro, O	90.895 €
27064	Vicedo, O	62.211 €
27065	Vilalba	171.546 €
27066	Viveiro	81.704 €
27901	Baralla	78.015 €
27902	Burela	39.956 €
32001	Allariz	61.710 €
32002	Amoeiro	44.045 €
32003	Arnoia, A	32.590 €
32004	Avión	54.136 €
32005	Baltar	43.417 €
32006	Bande	57.552 €
32007	Baños de Molgas	54.921 €
32008	Barbadás	42.682 €
32009	Barco de Valdeorras, O	48.802 €
32010	Beade	37.106 €
32011	Beariz	35.936 €
32012	Blancos, Os	39.833 €
32013	Boborás	60.038 €
32014	Bola, A	43.841 €
32015	Bolo, O	45.605 €
32016	Calvos de Randín	43.922 €

32017	Carballeda de Valdeorras	49.612 €
32018	Carballeda de Avia	34.197 €
32019	Carballiño, O	56.513 €
32020	Cartelle	51.005 €
32021	Castrelo do Val	47.944 €
32022	Castrelo de Miño	48.565 €
32023	Castro Caldelas	58.881 €
32024	Celanova	62.572 €
32025	Cenlle	36.804 €
32026	Coles	49.746 €
32027	Cortegada	35.193 €
32028	Cualedro	57.774 €
32029	Chandrexa de Queixa	51.461 €
32030	Entrimo	36.185 €
32031	Esgos	34.821 €
32032	Xinzo de Limia	65.796 €
32033	Gomesende	38.539 €
32034	Gudiña, A	41.284 €
32035	Irixo, O	69.628 €
32036	Xunqueira de Ambía	51.787 €
32037	Xunqueira de Espadanedo	36.212 €
32038	Larouco	37.561 €
32039	Laza	46.685 €
32040	Leiro	39.087 €
32041	Lobeira	49.795 €
32042	Lobios	53.832 €
32043	Maceda	70.239 €
32044	Manzaneda	50.351 €
32045	Maside	48.259 €
32046	Melón	38.454 €
32047	Merca, A	49.609 €
32048	Mezquita, A	46.833 €
32049	Montederramo	60.533 €
32050	Monterrei	56.954 €
32051	Muíños	57.900 €
32052	Nogueira de Ramuín	54.034 €
32053	Oímbra	43.210 €
32054	Ourense	63.949 €
32055	Paderne de Allariz	42.182 €
32056	Padrenda	48.920 €

32057	Parada de Sil	48.298 €
32058	Pereiro de Aguiar	52.795 €
32059	Peroxa, A	72.496 €
32060	Petín	31.723 €
32061	Piñor	50.822 €
32062	Porqueira	41.347 €
32063	Pobra de Trives, A	57.627 €
32064	Pontedeva	31.227 €
32065	Punxín	33.830 €
32066	Quintela de Leirado	33.830 €
32067	Rairiz de Veiga	56.802 €
32068	Ramirás	46.171 €
32069	Ribadavia	41.815 €
32070	San Xoán de Río	55.904 €
32071	Ríós	58.647 €
32072	Rúa, A	40.327 €
32073	Rubíá	51.631 €
32074	San Amaro	47.406 €
32075	San Cibrao das Viñas	44.789 €
32076	San Cristovo de Cea	68.566 €
32077	Sandiás	43.922 €
32078	Sarreaus	45.480 €
32079	Taboadela	38.308 €
32080	Teixeira, A	44.649 €
32081	Toén	47.700 €
32082	Trasmiras	46.945 €
32083	Veiga, A	50.118 €
32084	Verea	47.625 €
32085	Verín	46.736 €
32086	Viana do Bolo	75.413 €
32087	Vilamarín	58.238 €
32088	Vilamartín de Valdeorras	43.033 €
32089	Vilar de Barrio	51.682 €
32090	Vilar de Santos	42.483 €
32091	Vilardevós	62.696 €
32092	Vilariño de Conso	52.504 €
36001	Arbo	56.934 €
36002	Barro	44.417 €
36003	Baiona	45.533 €
36004	Bueu	62.549 €

36005	Caldas de Reis	54.310 €
36006	Cambados	46.772 €
36007	Campo Lameiro	45.895 €
36008	Cangas	67.887 €
36009	Cañiza, A	98.355 €
36010	Catoira	43.426 €
36011	Cerdedo	47.423 €
36012	Cotobade	68.829 €
36013	Covelo	77.274 €
36014	Crecente	62.434 €
36015	Cuntis	66.715 €
36016	Dozón	55.164 €
36017	Estrada, A	173.145 €
36018	Forcarei	78.940 €
36019	Fornelos de Montes	43.313 €
36020	Agolada	85.235 €
36021	Gondomar	65.876 €
36022	Grove, O	43.798 €
36023	Guarda, A	44.293 €
36024	Lalín	132.568 €
36025	Lama, A	66.405 €
36026	Marín	49.622 €
36027	Meaño	47.144 €
36028	Meis	70.081 €
36029	Moaña	64.772 €
36030	Mondariz	53.208 €
36031	Mondariz-Balneario	30.484 €
36032	Moraña	49.003 €
36033	Mos	54.860 €
36034	Neves, As	70.283 €
36035	Nigrán	51.481 €
36036	Oia	48.526 €
36037	Pazos de Borbén	43.426 €
36038	Pontevedra	77.917 €
36039	Porriño, O	69.889 €
36040	Portas	51.831 €
36041	Poio	48.011 €
36042	Ponteareas	87.611 €
36043	Ponte Caldelas	49.352 €
36044	Pontecesures	41.443 €

36045	Redondela	54.860 €
36046	Ribadumia	48.526 €
36047	Rodeiro	86.531 €
36048	Rosal, O	45.533 €
36049	Salceda de Caselas	56.493 €
36050	Salvaterra de Miño	71.660 €
36051	Sanxenxo	54.084 €
36052	Silleda	105.414 €
36053	Soutomaior	41.939 €
36054	Tomiño	68.980 €
36055	Tui	65.326 €
36056	Vaiga	47.020 €
36057	Vigo	95.487 €
36058	Vilaboa	57.494 €
36059	Vila de Cruces	85.605 €
36060	Vilagarcía de Arousa	55.447 €
36061	Vilanova de Arousa	47.639 €
36901	Illa de Arousa, A	41.567 €

XII. Previsión orzamentaria

Para a execución desta actuación, Agader prevé asignar un importe de 19.998.110€ con cargo á aplicación orzamentaria 2016-13-A1-712A-760.00 (código de proxecto 2016-00008), coa seguinte distribución segundo a administración cofinanciadoras:

ACTUACIÓN	GPT	FEADER (75%)	COFINANCIACION AXE (7,5%)	COFINANCIACIÓN XUNTA (17,5%)
TOTAL	19.998.110,00 €	14.998.582,50 €	1.499.858,25 €	3.499.669,25 €

XIII. Indicadores

Consideraranse tanto o número de camiños nos que se actúa, como os Km totais mellorados de acordo coa tipoloxía establecida:

ACTUACIÓN	PREVISIÓN
-----------	-----------

Nº de camiños mellorados	780
Km de camiños mellorados	1300